



Tillie Martinussen
Inatsisartunut ilaasortaq, Suleqatigiissitsisut

Meeqqerivinni sulisussaaleqineq pissutigalugu § 37 naapertorlugu apeqqut nr. 275 pillugu

07-11-2018
Sagsnr.
Dok. nr. 9216988

Asasara Tillie Martinussen,

Postboks 1029
3900 Nuuk
Tlf: +299 34 50 00
Email: ikiin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Matuma ataani akissavakka.

- 1. Meeqqanut suli atualingitsunut Inatsisartut inatsisissaanni § 4 naapertorlugu Naalakkersuisut kommunit nakkutigisussaavaat. Naalakkersuisut qanoq iliorlutik tigussaasumik qularnaarniarpaat ilumut kommuninit inatsimmi § 20 imm. 1-3-mi taaneqartut atorfiit inuttalersimaneeraat?**

Akissut: Erserpoq, meeqqanut suli atualingitsunut inatsimmi § 4, imm 1-imi taaneqartut, meeqqanut suli atualersimanngitsunut ulluunerani neqeroorutininik perorsaanikut ineriartorfiusunik pingaarnertut Naalakkersuisut nakkutilliusussaasut. Ilanngullugu aalajangersakkamut nassuiaatini erserpoq, pingaarnertut nakkutillineq paasineqassasoq inatsisinik suliaqarnertut, inatsisinik nassuiaanertut, ineriartortitsineri suliniutinik nutaanik aallarnisaanertut aamma suliasaqarfimmi aaqqissuusseqqinnertut kiisalu politikkiusup suleriaatsillu kattutsinnissai ataqatigiissaarnissaalu pillugit kommunalbestyrelsenik suleqateqarnertut. Matuma saniatigut paasissutissanik pisariaqartunik piumasaqarsinnaaneq naapertorlugu kommunit suliasaqarfimmi inatsimmik isiginninnerannut atatillugu nalinginnaasumik oqaloqatigiinnermik tunngaveqartumik nakkutillinnermik ingerlatsisoqartarpoq, takuuk meeqqat suli atualingitsut pillugit inatsimmi § 4, imm. 3. Allanneqartuni naleqqiunneqassaaq, Namminersorlutik Oqartussat nalinginnaasumik ilitsersuinissamut pisinnaatitaaffiata avataaniittoq kommunip suliasaqarfik akisussaaffigisaa pineqarmat.

Kommuninittaag akisussaaffimmut ilaavoq ulluunerani paaqqinnittarfiutiminnut sulisussanik atorfinitsisarneq, Naalakkersuisullu isumaqarput, meeqqanut suli atualingitsunut inatsimmi aalajangersakkat taaneqartut eqquutsinniarlugit kommunit sukataartut. Kisiannili periusissiami kiisalu ulluunerani paaqqinnittarfiit pillugit suliasaqarfimmi iliuusissatut pilersaarummi qanittumi nassiunneqaaqqamersuni erserpoq, nunatsinni suliaqarfimmi arlalippassuarni, matuma ataani ulluunerani paaqqinnittarfinni, ilinniarsimasunik sulisussanik annertuumik amigateqartoqartoq, taamaattumillu pissutsit nalinginnaasut pissutigalugit kommunit inatsimmi sulisoqarnissamut aalajangersakkanik tamakkiisumik eqquutsinissaq ajornakusoortippaat. Naalakkersuisut ilisimavaat, maannakkorpiaq kommunit aalajangersakkat taakku tamakkiisumik naammassisinnaanngikkaat, kisiannili sulissutigiuassallugu - kommunit, PI/SPS/, allallu suleqatigalugit - siunissami perorsaanermik ilinni- arfeqarfiup iluani amerlanerit ilinniarnermik aallartitsisalernissaat kiisalu naammassinnit- talernissaat.

Suliniutaasussatut eqqarsaatigineqartut amerlanerit pillugit ilanngullugu takuuk ulluunerani neqeroorutini sulisut pillugit Naalakkersuisut periusissiaat iliuusissanillu pilersaarutaat, oktobarimi 2018-imi Inatsisartunut agguanneqartoq.

2. Meeqerivinni atorfinni perorsaasunit inuttaqartinneqartussani qassit perorsaasutut ilinniarsimasunit inuttaqartinneqarpap

Akissut: Kommuninit kommuninut illoqarfinit nunaqarfinnut annertussutsit assigiinngit-sorujussuupput. Taamaattumik Naalakkersuisut ulluunerani neqeroorutini sulisut pillugit Naalakkersuisut periusissiaat iliuusissanillu pilersaarutaannut innersuussippup, tassani ulluunerani paaqqinnittarfinni sulisut ilinniarnikkut tunuliaqutaat ilanngussami, ulluunerani paaqqinnittarfimmi sulissaqarimmi erseqqissaaneq, tabeli 9-mi peqqissaarussamik naatsorsorneqarpup.

3. Atorfiit perorsaannermut ilinniarsimasunit inuttaqartinneqartussat qassit ilinniarsimasunik inuttaqartinneqarpap?

Akissut: Apeqquut 2-mut akissut takuuk.

4. Naalakkersuisut qaffasissumik ilinniakkanut akisussaanagerat kiisalu meeqqanup sulil atualingitsunup pingaarnermik akisussaanagerat eqqarsaatigalugu - taava Naalakkersuisut qanoq iliuuseqareernikuuppat qulakkeerniarlugu atorfiit ilinniarsimasunik inuttaqartinneqarnissaasa malinneqarnissaat - aamma Naalakkersuisut maannakkut siunissamilu qanoq iliorniarpat tamanna qularnaarumallugu?

Akissut: Naalakkersuisut sulianik suliniutinillu arlalinnik aallartisaallutillu pilersaarusiornikuupput, taakku ilinniartitaannermut pilersaarut II 2018-imeersumi kiisalu ulluunerani neqeroorutini sulisut pillugit Naalakkersuisut periusissiaat iliuusissanillu pilersaarummi qanimut nassuiarneqarpup.

5. Naalakkersuisut suna illersorneqarsinnaasutut isigaat aamma malittaris-assiuunneqarnikuua sulisut qassit minnerpaamik meeraaqqerivinniittassasut/ meeqerivimmiittassasut ulluni makkunani:

- a. Ullormi aalajangersimasumi ataatsimi
- b. Piffissami sivikinnerusumi
- c. Piffissami sivilunerusumi

Akissut: Inatsimmi § 20 imm. 2 ulluunerani paaqqinnittarfiup ammaneranup tunngavoq, tassani pineqarpoq ulloq sunaluunniit paaqqinnittarfiup ammaffia. Aalajangersakkami aalajangerneqartup takutippaat paaqqinnittarfinni ataasiakkaani sulisut najuuttut ikinner-

paamik qassiussanersut. § 20, imm. 4, oqaaseqatigiit aappaanni erserpoq, kommunalbestyrelse sillimaniarnermut pilersaarusiussasoq, pisuni imm. 2-mi minnerpaamik piumasaqaatit piffissap ilaannaani piviusunngortinneqarsinnaannginnerinut.

6. Naalackersuisut tigussaasumik suut aallartinnikuuat Meeqqanut suli atualinngitsunut inatsimmi § 4, imm. 2, nr. 1,3,4,5 aamma 8-mut pisussaaf-feqarnertik naapertorlugu?

(Naalackersuisut qinnuigineqarput akisussaaffiit ataasiakkaat taaneqartut tamaasa akisuteqarfigeqqullugit)

Akissut:

Imm. 2 nr. 1-imut: Ilinniartitaanermut Aqutsisoqarfik meeqqat mikisut oqaatsinik pissarsi-aqartarnerannik, CDI-mik taaneqartartumik misissuineramik ingerlataqarpoq. Misissuineq meeqqanik untritilikkaanik tunngaveqarpoq. Meeqqat 8-nit 16-inut qaammatillit kiisalu 16-iniit 36-inut qaammatillit akornanni misissuisoqarpoq. Meeqqat oqaatsitigut piginnaasaat ussersoriaasiilu misissorneqarput. Misissuinerup erseqqissassavaa meeqqat siusissuk-ut attaveqatigiinnikkut oqaatsitigullu ineriartornerat, taamaasillunilu pissutsinik inerne-rusunut sunniuteqarsinnaasunik paasisaqartoqarsinnaassalluni.

Ilanngullugu meeqqat 3-5-inik ukiullit ineriartornerannut misissuineranut atortussanik atugaqalertoqarpoq. Atortussat perorsaanikkut atortuupput meeqqat ineriartorneranni inissisimanerat pillugu apeqqutitut akisassatut ilusilerneqarsimasut. Siunertaavoq, sa-pinngisamik siusissuk-ut, misissussallugu, meeqqap ineriartornerani ernumanartoqarner-soq.

Imm. 2. Nr. 3 aamma 4-mut: Naalackersuisut ulluunerani neqeroorutini sulisut pillugit Naalackersuisut periusissiaat iliuusissanillu pilersaarutiminni aallartisarpaat PI/SPS-imik, najugarisaq qimannagu perorsaasutut ilinniarnermik kiisalu pikkorissarnernik neqerooru-tinik, ilinniaqqinnissamat suliniutinik taakkualu ataqatigiissaarnissaannik nalilersuinissaq. Siunertamat tamatumingna ataqatigiissaarisooqatigiinnik pilersitsisoqassaaq.

Peqatigitillugu meeqqanut suli atualinngitsunut suliassaqarfimmi (Tunngaviit 1-7) pit-saasumik suleriuseqarnissamat perorsaanikkut tunngaviit pillugit ingerlaavartumik pikko-rissaasoqartarpoq. Pikkorissaanerit modulunut 3-nut aggarneqarput, kingusinnerusuk-kullu ulluunerani paaqqinnittarfinni sulisunut, meeqqanik paaqqinnittartunut aamma pinnguaqatigiittarfinni sulisunut malittarinnilluni sungiusaasoqartarluni. Maannamat 250-it missaaniittut tamanna peqataaffiginikuuat.

Imm. 2. Nr 5-imut: Ulluunerani neqeroorutini sulisut pillugit Naalackersuisut periusissiaat iliuusissanillu pilersaarummi ilinniartitaaneq pikkorissaanerlu pillugit immikkoortoq takuuk. Tamatuma saniatigut PI/SPS-imi qaammatini quligiluani sivilissuseqartumik ulluunerani paaqqinnittarfinni sulisunut ilinniarmanngitsunut ilinniakkamik neqerooruteqartoqar-poq. Naggataattut aamma sulisut ilinniarmanngitsut pikkorissaanermi Tunngaviit-mi peqataanissamat periarfissaqarput, tak. Nr. 3 aamma 4-mut akissut.

Imm. 2. Nr. 8-mut: Ilinniartitaanermut Aqutsisoqarfiup meeqqanut suli atualinngitsunut im-mikkoortortaa ulluunerani paaqqinnittarfinni perorsaanikkut suliat pillugit malittarisassanik ineriartortitsinikuvoq. Malittarisassat (Tunngaviit) kommunit suleqatigalugit pikko-rissaanikkut ingerlaavartumik ingerlateqqinneqartarput. Tamatuma saniatigut "meeqqat ineriartornerannut misissuineranut atortussat" perorsaanikkut sulinerneqarput siunnersuutinik malittarisassanillu imaqarpoq

Inussiarnersumik inuulluaqqusilluta


Ane Lone Bagger